

Julie Bellinkx  
Melanie Louwerens

Ovo je publikacija Fondacije  
AMBER Alert Europa

# **ZEKINA TUTNJAJUĆA AVANTURA**

**Priča o tome kako slijediti svoju intuiciju  
i kako se čuvati**

# Znak štampa

Autorsko parvo 2023 Fondacija AMBER Alert Europa

[www.amberalert.eu](http://www.amberalert.eu)

Autor: Julie Bellinkx

Ilustracija i izgled: Melanie Louwerens

Posebno hvala: Dr. Evelien Speel-Flierman (Psiholog za djecu i mlade NIP, GSZ psiholog BIG), Kirsten van den Berg (Naučnica ponašanja), Mariska Custers (Psiholog), Nele Geerts (Ilustrator), Carlo Schippers (Stručnjak za nestale osobe koji je radio u policiji Nizozemske, Dr. Arine Vlieger (Pedijatrica)

Nijedan dio ove publikacije ne smije se reproducirati, pohraniti u sistem za pronalaženje ili preneti u bilo kojem obliku ili na bilo koji način, elektronski, mehanički, fotokopiranjem, snimanjem ili na drugi način, bez dozvole izdavača.

# ZEKINA TUTNJAJUĆA AVANTURA



AMBER  
ALERT.eu

Lijep je dan u Zekogradu.

Sunce jarko sija.

Zeko i njegova prijateljica Ježa trče kroz travu.

Dok se kikoću i igraju, travke ih golicaju po stomaku.



Zeko odjednom zastane i uzdahne.  
Uvijek se igra na istoj zelenoj livadi,  
sa istim trvkama koje ga golicaju.

“Šta nije uredu, Zeko?” upita ga zabrinuta Ježa.

“Volio bih da se igramo negdje drugo.” reče Zeko.

“Negdje gdje do sada nismo bili.”

Dok je razmišljala, Ježine oči zasjaše od uzbuđenja.

“Imam odličnu ideju! Hajdemo u šumu.”



Zeko zastade da razmisli.

Mama i tata su ga upozorili na šumu.

Dozvoljeno mu je da se udalji samo do velikog starog hrasta ako oni nisu u blizini.

Odjednom, Zeko začuje čudan zvuk.

“Rrr-rrr-rrr.”

“Hej, odakle dolazi taj zvuk?”

On pogleda oko sebe.

“Rrr-rrr-rrr.”

Zeko se počeša po uhu, kako čudno!

RRR

RRRR

RRR



“Hej Ježa, čuješ li i ti taj čudni zvuk?” upita Zeko.

Ježa načuli uši i pažljivo poslušala.

“Koji zvuk? Ja ne čujem ništa!”

Zeko odmahnu glavom. Možda je umislio.




Stigli su do ruba šume.

“Ideš li?” doviknu Ježa.

“Ne znam” zamuca Zeko.

“Mama i tata su rekli da ne idem u šumu bez njih.”



ŠUMA

A rustic wooden signpost made of a log, pointing to the right. The word "ŠUMA" is written on it in large, bold, black capital letters. The signpost is set against a background of green foliage and two red mushrooms with white gills.




A watercolor illustration of a hedgehog standing in a forest. The hedgehog is light-colored with a large pinkish-red patch on its belly and brown spines. It has small blue eyes and a black nose. The background features a large tree trunk on the right, green grass at the bottom, and several brown and orange autumn leaves scattered around. The text is positioned in the upper left quadrant of the page.

“Ne budi tako strašljiv” reče mu Ježa.

“Ja imam oštre bodlje. Ništa nam se ne može desiti.”

Zeko je radoznao. Čuo je toliko priča o šumi.



A osim toga, nije sam.

Sigurnije je kada su zajedno.

“Rrr-rrr-rrr”

”Kakav je to zvuk?”

pita se Zeko dok slijedi Ježu u šumu.

Zeko i Ježa su zalutali dublje u šumu.

Hodali su pored potoka i šumskim stazama, pored zelenog drveća i crvenog cvijeća, na trenutak zaboravljajući gdje su.



Odjednom su čuli šuštanje iz obližnjeg grma.  
Zaledili su se, uplašeni onim što se možda krije unutra.  
“Može li ovo biti mjesto odakle dolazi čudni zvuk?” pomisli Zeko.

Crveni, čupavi rep iskoči iz grma.  
“Zdravo, ko je tamo?” upita Ježa.  
“Ja sam ovdje.” odgovori životinja.



Dva crvena čupava uha izviriše iz grma.

“To nisu zečje uši!” uzviknu Zeko.

“Da, jesu!” reče životinja.

“Pridi bliže pa ćeš vidjeti.”



Zeko nasluti da nešto nije uredu.

Čupavi crveni rep i uši znače samo jedno: Lisica!

“Rrr-rrr-rrr.”

Zvuk je sada glasniji nego prije.

RRR RRR RRR

“Moramo otići odavde, Ježa! Inače ćemo biti ukusni obrok!”

Njihova srca su brzo tukla dok su jurili kroz šumu.



Dvoje prijatelja stigoše do otvorenog proplanka u šumi.

“Gdje se nalazimo?” upita Zeko zabrinuto.

“Nisam sigurna.” odgovori Ježa, češući se po glavi.“

“Ali znam da smo daleko od Zekograda.”

“Rrr-rrr-rrr.”



RRR RRR RRR

Zeko ustuknu. “Jesi li čula to?”

Ali Ježa još uvijek nije ništa čula.



“Tamo!” Ježa uzviknu. “Veliko staro stablo hrasta.”

Stablo hrasta se uzdizalo iznad šume.

“Ako se budemo kretali prema stablu hrasta,  
sigurno ćemo stići nazad u Zekograd.”






Zeko i Ježa su hodali i hodali.

“Mislim da ne stižemo bliže kući.” zapazi Zeko.

Iznenada, zemlja se pođe tresti.

Ogromne stope su se približavale.





“Medvjedi!” uzviknuše Zeko i Ježa,  
i brzo se sakriše u grm.  
Porodica medvjeda je prolazila pored grma.  
Mladunče medvjeda je sjedilo na maminim leđima.  
“Hej, tamo je maleni medvjed također” prijatelji su šaputali.  
“Možda medvjedi i nisu tako strašni?”

“Hoćemo li ih pitati za pomoć? U suprotnom, nikada nećemo stići kući.” zacvili Ježa.

“Rrr-rrr-rrr!”

Zvuk je sada glasniji nego ikada.

“Dođi.” reče Zeko. “Idemo.”

RRRR

RRRR

RRRR

“Z...z...zdravo.” reče Zeko postideno porodici medvjeda.

“Izgubili smo se. Da li biste nam mogli pokazati put do Zekograda?”



“Naravno.” jedan od medvjeda reče.

“Vidite li ono lijepo crveno cvijeće tamo?”

“Pratite ga dok ne dođete do velikog ribnjaka.

Kada stignete do ribnjaka, skrenite lijevo.


Malo dalje, vidjet ćete veliko staro stablo hrasta.

Kada ugledate stablo hrasta, skoro ste stigli.”



Prijatelji su zahvalili porodici medvjeda i nastavili su svoje putovanje.  
Hodali su stazom sa lijepim crvenim cvjetovima.  
Svaki sljedeći cvijet ljepši od prethodnog.





“Pogledaj!” uzviknu Ježa. “Veliki ribnjak.”  
Baš kako im je medvjed opisao.  
Prijatelji požuriše pored njega.  
U daljini su vidjeli vrh velikog starog hrasta.  
“Skoro smo kući!” Zeko i Ježa se obradovaše.





Nedugo zatim su stajali ispred velikog starog stabla hrasta.  
Sova je sjedila visoko na grani.  
Mnogo je star, najmanje stotinu godina.  
“Zdravo Sovo!” Zeko i Ježa se veselo pozdraviše.  
Sova ih upita šta su radili u šumi.  
Zeko joj ispriča o njihovoj avanturi i čudnom zvuku kojeg je čuo.





“Da li ti znaš šta je taj čudni zvuk?” Zeko upita Sova.

“Znam.” odgovori Sova.

“Osluškuj pažljivo, i čut ćeš ga.”

Zeko osluhnu pažljivije.



The illustration shows a close-up of a bear's belly. The fur is a mix of light tan and brown, with a dense pattern of small, dark brown spots. The belly is a lighter, yellowish-tan color. The sound 'RRR' is written in large, bold, brown letters across the center of the belly. The bear's legs are visible on the left and right sides, also covered in the same fur pattern.

RRR

RRR RRR

Zatim začu svoj trbuh kako zatutnja.

“Rrr-rrr-rrr.”

“Taj zvuk dolazi od mene!” reče Zeko iznenađeno.

Dodirnu svoj trbuh.

“Tako je.” reče Sova.

“To je tvoja intuicija, nešto poput unutarnjeg glasa.

Tvoja intuicija ti govori kada je nešto uredu ili kada nije.

Ako naučiš da joj vjeruješ, tvoja intuicija ti može pomoći u donošenju odluka.”



Zeko klimnu glavom misleći na sve avanture u šumi.  
Njegova intuicija mu je također pokušala pomoći danas.  
Od sada ću uvijek slušati tutnjavu u svom trbuhu, pomisli Zeko.



Zeko i Ježa su sjedili na zelenom brežuljku nedaleko od velikog starog hrasta.


U tišini su gledali zalazak sunca nad Zekogradom.

Iznenada, Ježin stomak se oglasi glasno.


“Da li je to moja intuicija?” upita Ježa.

Zeko se nasmija. “Ne, i ja sam ga čuo. Mislim da si samo gladna.

Ništa nisi jela cijeli dan!”



I tako, pustolovina Zeke i Ježe završava sa tutnjavom u trbuhu i spoznajom da mogu vjerovati svojim intuicijama u njihovim narednim pustolovinama.








# Pripovjedačima

*Zekina tutnjajuća avantura* je kreirana sa ciljem da nauči djecu kako da sebe zaštite od nestanka.

Svake godine, 300 000 djece nestane u Evropi. Kako bi smanjili ovaj zapanjujući broj, važno je naučiti djecu u najranijoj dobi vještinama i znanju koja su neophodna da ostanu sigurna.

Sa *Zekinom tutnjajućom avanturom*, djeci su prikazana važna osnovna pravila na zabavan i pozitivan način. Ova osnovna pravila se zasnivaju na pet savjeta stručnjaka iz oblasti nestale djece:

-  Uvijek vjerujte svojim instinktima. Ako vam se ne čini uredu, nemojte to činiti.
-  Nikada ne idite negdje sami. U društvu je sigurnije.
-  Nigdje nemojte ići sa nekim koga ne poznajete ili koga ne očekujete.
-  Upitaj nečije roditelje za pomoć ako si se izgubio/la.
-  Naučite da zabilježite znamenitosti iz okruženja. To će olakšati pronalazak puta nazad.


Ukratko, *Zekina tutnjajuća avantura* nije samo uzbudljiva i lijepa slikovnica, nego je i vrijedan dodatak edukaciji Vašeg djeteta.



# Fondacija **AMBER Alert** **Europa**

AMBER Alert Europa, Evropski centar za nestalu djecu, je fondacija koja teži da unaprijedi zaštitu nestale djece, te da spriječi nestanak djece osnažujući ih i podižući svijest o problemu nestale djece i njegovih osnovnih slučajeva. Mi povezujemo stručnjake iz 44 vladine organizacije, posebno ministarstva unutrašnjih poslova i policijske agencije, kao i nevladine organizacije iz 28 zemalja, u našoj misiji da se spriječi nestanak djece u Evropi.

[www.amberalert.eu](http://www.amberalert.eu)





# ZEKINA TUTNJAJUĆA AVANTURA

U Zekinoj tutnjajućoj avanturi, Zeko i njegova prijateljica Ježa idu u avanturu u šumu, u potrazi za čudnim zvukom kojeg Zeko može čuti. Tokom putovanja, oni sreću nove prijatelje i zatiču se u uzbudljivim situacijama. Hoće li Zeko i Ježa uspjeti otkriti misteriju odakle dolazi čudni zvuk?



AMBER  
ALERT .eu